

Չով գիշերը մոռանալ տոեց մեզ ցերեկոյ տօթից կրած տանջանքը: Ծովի կողմից փչում էր մեղմ քամի եւ բերում էր իր հետ ծաղկաւետ Արտոսի սքանչելի անուշահոտութիւնը: Երկինքը ամպամած էր, ոչ մի աստղ չէր երեւում: Երբեմն մաղւում էին անձրեւի խոշոր կաթիլներ: Յայկայ բերդի կողմում փայլատակում էր. լսելի էին լինում որոտման խուլ ձայներ: Ինձ թւում էր, որ հայոց եւ բաբելացոց հսկաները պատերազմում էին այնտեղ եւ իրանց ահագին լախտերով խորտակում էին լեռները:

Մուրադը եւ իր ընկերը զբաղուած էին ձիաներով. ծածկում էին նրանց չուլերով, զգուշանալով, մի գուցէ յորդ անձրեւ գալու լինի եւ ձիաներին թըջէ: Ես պառկած էի խոտերի վրայ, նայում էի անթափանցիկ խաւարի մէջ: Մո՛ւթն էր, մո՛ւթ, ոչինչ չէր երեւում: Ամէն ինչ ընկղմուած էր մթութեան մէջ, որպէս այդ երկրի մթին ապագան...

Իմ աչքերի առջեւն էր մի պատկեր միայն՝ ավելոր «գուշակողը»: Իմ գլխում, մռայլ ամեղձոածների նման, պտտւում էին այդ խորհրդաւոր ծերունու խօսքերը: Այդ խօսքերը առանձին բացատրութեան էին կարօտ, ես անկարող էի լուծել: Բայց ես այժմ գիտէի երկու անուններ, որոնք շատ բան էին պարզում: Մուրա՛դ եւ քաւոր Պետրո՛ւս, երկուսն էլ երեւելի խաչագողներ էին: Որպէս երկու հերոսներ այդ մթին արհեստի մէջ, Սալմաստում մեծ հռչակ էին ստացել նրանք: Նրանց մասին ես լսել էի շատ եւ շատ զարմանալի պատմութիւններ...

Իմ տարակուսանքները մասամբ փարատոեցան: Ճանապարհին գալու ժամանակ ինձ երկար տանջում էր այն միտքը, որ ես մի ժամանակ պետք է տեսած լինէի Մուրադին. նրա դէմքը ինձ ծանօթ էր երեւում: Իմ յիշողութիւնը չխաբեց ինձ. այժմ գիտէի, թէ որտեղ էի տեսել:

Յիշո՞ւմ ես, ընթերցող, այն տխուր, փոթորկալի գիշերը, երբ ես, տեր Թողիկի դպրոցից փախստական եղած, թափառում էի Յին-քաղաքի շուրջը եւ, անհնարին յուսահատութեան մէջ մոլորուած, չգիտէի ուր գնալ: Այն ժամանակ հանդիպեց Կարօն, տարաւ ինձ արաբական մինարեթը, այն հին ակերակների մէջ: Այնտեղ առաջին անգամ ես տեսայ Կարօյի միւս ընկերներին՝ Ասլանին եւ Սագօյին: Այդ խումբի մէջն էր եւ Մուրադը իր այժմեան ընկերի հետ, որին Չալլադ էին կոչում: Երբ գիշերը լուսացաւ, առաւօտեան Մուրադը եւ Չալլադը անյայտացած էին. մինարեթում մնացել էին միւսները: Ի՞նչ եղան, ո՞ւր գնացին, այդ մասին ինձ ոչինչ չասացին: Ամիսներ անցան, այժմ կրկին հանդիպում էի այդ երկու երիտասարդներին, բայց մի այլ շրջանում եւ բոլորովին տարբեր պարապմունքի մէջ: Կարօյի եւ Ասլանի այդ երկու ընկերները արգումցի Արթինի քարաւանում ջորեպանի պաշտօն էին